

PAULNI PAMONG ONG·E MOLMOLANI

Sabbath Attam-August 19

Ia Antini Lessonna Poraiani: *Gal. 4:12–20, 1 Kor. 11:1, Phil. 3:17, 1 Kor. 9:19–23, 2 Kor. 4:7–12.*

Mingani Pod: “Ang gita ong·bo, jongadarang, maina angaba na·simang gita ong·achim, ine anga na·simangko mol·molenga” (*Galatirangna 4:12*).

An·chingni nikmanbagimin gita, Paulara Galatirang baksa kattako jeloroatna dakjaenga. Uni bilakgipa kattarangchi uamangna aganangani miksonganiara, uni rikgimin mondolio uamangni gisikni namrorognina, uni uamangni gisik ka·tongo kakketko chinapatna joton ka·enganisa ong·a. Nangchongmotgipa Isolni bewalni gimin aro uo mandeni bebera·ani gimin u·ianini jijaanirangna agreba, Paulara uni Galatirangna chiti seatao toromo bebera·ani ja·pangko tik ong·e u·ianiara baditan gamchatani ong·a uani giminba janapataha. An·ching maiko bebera·a uara gamchatbeani dongjaode, toromo bebera·ani ja·pangrangara inditana kingking nangbea ong·jaode, indide Paulara maina uni chitio agananiko jotking dakbegenchim? Kakketmanchade, beben, jeko an·ching bebera·a uara Nama Kattani gimin chu·gimik sing·anirangna namen gamchatbegipa aro nangchongmotbegipa ong·a.

Galatirang 4:12–20 o Paul uni aganani rokomko on·tisa dingtange agangrikaniko dakangtaikua. Paul bang·a che·em che·em toromni bringimin jeraa raanirangko Galatirangni ong·jaengaoniko namatna dakaha, aro ua da·o sepangbate, pamong ong·e molmolaniko daka. Tol·gipa skigiparang gita dakgija jerangan Galatirango kakketgipa gisik nangani dongja,

indiba Paulde chongmotgipa gisik nanganiko, jajrenganiko, ka·dongataniko, aro namgipa mes nirikgipani re·brangangenggipa doloniko jokatna kam ka·a gita dakenga. Ua toromni gimin uianiko *correct* ka·jaenga; indiba uni ka·sagiparangna kakketgipa mesoke on·aniko dakengasa.

**Ia antini lessonko Sabbath sal August 26na namedake poraie taribo.*

Robibar

August 20

PAULNI KA·TONG

Galati 4:12–20 ko poraibo. Ia podrango Nama Kattani gimin Paulni bilsue agananiara maia?

Paulni ka·tongo namen jrimbegipa bal bojani skanggipa chinara uni pod 12 o uni molmolaniko dakanian ong·a. Ua molmolaniara Paulni kimkime Galatiranga “ang gita ong·bo” ine aganani ja·manoni bakan re·bara. *Gisiko nange* ba *sikbee molmola* kattani gamchataniara, rasonggribee, mitam pe·anirango namakae ma·talatjaha. Ua kattara Greekode *deomai* ong·a. Uko “ong·china didia” ba “gisiko nange molmola” ine pe·na man·genchimoba, Greek kattao ian bilakbate jajrengani orto gnanng (2 Kor. 5:20, 8:4, 10:2 ko *nibo*). Paulara “Anga na·simangko molmolenga” ine aganchongmotenga!

Paulni jajrenganiara toromni gimin uiani aro toromo bebera·anini gimin skiani miksongaosan ong·aija. Uni ka·tong manderangni janggi tangani bewalo dukko man·aha jerangkon uni skiprakanichi Kristoona man·baahachim. Ua antangko uamangni ripengna baten chana; uara uamangni gisikni gita pagipaba ong·a, aro uamangara uni dedrangrangsa ong·achim. Iana batemangba, Galatirangni gimin chanchianiko ua ma·gipani deko an·pakna jajrengi saknagipamung toata (*Gal.*

4:19). Uni mondoliko rikmanahaode uni skango uamangna “neng·ara” uamangni “nama naljokgni”na chu·ongbegnok ine Paulara chanchiahachim. Indiba da·o Galatiranga bebeoni chel·en re·brangangaha, Paul da·oba uamangni namgnina sa·dikpilaniko man·taipilengjok.

Paulni gisiko Galatiranga mai nisan dongaha? Uamangna uni neng·e kam ka·aoniko mai biterangko ua man·na skachim? Gal. 4:19.

Galatiranga sa·tipo bimang ong·baenggipa gita ong·a ine talatchenganiko dake, da·ode Paulara Galatirangko uamang antangtangan ma·gipa ong·na skenggiparanga ong·a ine agana. “Bimang daka” ine pe·gipa kattakora sana·banani kattao sa·tipo bi·sa ong·baenggipako aganna jakkala. Ia mesokaniko on·e Kristian ong·aniara maikai ong·na nanga uko Paul talata, saksantangtanga ba jinma jinmaba. Kristoni ja·rikgipa ong·na gitade bebera·anina bateba ong·na nanga; uan nangchongmotgipa, Kristo gita ong·aona dingtanganiko nanga. Paul “Galatirango on·titi dingtanganianikosan am·aija indiba je dingtanganian uamangko Kristo gita nikatgen, uandakgipakosa.”—Leon Morris, *Galatians* (Downers Grove, Ill.: InterVarsity Press, 1996), p. 142.

Mairangchi Kristo gita dakgipa cholonrangko nang·ni janggi tangao nikna man·a? Maidakgiparango na·a dal·en dal·rorona nangengkua?

Sombar

August 21

ONG·BANA RA·BIANI

1 Kor. 11:1; Philippi. 3:17; 2 Thes. 3:7–9; aro Wat. 26:28, 29 rangko poraibo. Galati 4:12 o ning·tue agangipako

Paul uarango maiko aganenga? Uni miksonganiko maikai an-ching uina nanga?

Bang'a changrangnan Paulni sea jolгимikan, ua Kristianrangko uni cholonko ja-rikchina didianiko on'a. Mingantion, Paul antangko bil man'e dakmesokgipa ong'e mesoka jedakode bebera-giparang uko ja-rikna man-gen. 2 Thessalonika 3:7-9 o, Paul maidake bebera-giparangara antangtangni nanganina tangkako man-gen aro gipinrangna bal boja ong-jawa antangko dakmesokgipa ong'e mesoka. 1 Kor. 11:1 o, Paul Korintheta rangko gipinrangni namroroanina antangko (*Paulko*) skanggipa sningchina okama. Paulni Galatirangna gisik on'ania maibakaiba dingtanga.

Galati 4:12 o, Paul Galatirangko antangko sningchina aganja; indiba, ua uamangko ugita "ong-bachina" agana. Galatiao golmalara uamang Korintheta gita Isol gri janggi tanga indake ong-ja. Galatiode Kristian ong'ani gimin gisik ka-tong gnan. Anga jedake daka ugita dakbo ine Paul aganja, indiba anga jegita ong'a ugita ong-bo inesa agana. Galati 4:12 o agangipa tik kattakon Paul Herod Agrippa II naba molmolaniko Watata 26:29 o dakaha. Paul sea, "Nang-kosan ong-ja, indiba da-alo angni aganako knatimgipa pilakan, ia kaarangna agrede, anggitan ong-china anga Isolo bi-genchim." Minggipin dake aganode, Paulara uni Kristian ong'ao *experiancerangni* giminsa aganenga, pangchakani jean Kristoosan mangmang ong'a, bebera-ani jean Kristo una maiko dakaha uosan ka-dongani, aro uni niamni kamrangko ka-anio ong-ja. Kristo jeko dakaha uana batede Galatiranga an-tangtangni kam-cholonkosa gamchatbate ra-engachim.

Galatirangko an-tang gita ong-china Paul aganengon, maidake mancha ong-china aganenga uko tik ong'e janapjaoba, uan uni janggi tanga gimiko mai mai daka uarang gimikko man-gope dakchinade aganjaengachim. Maina uni duk

man-aniara uamangni niamko kingkot dake maniani giminsa ong-a, Paul uni gisiko aiao inmangipa ka-saani, kusi ong-ani, jakgitel ong-ani, aro jokatanini tik ong-manchaani gimin Jisuo man-manaha. Kristoo aiao inmanbeanirangko man-e, Paul an-tango mai gnang ua pilakkode jabolsa ine chanaha (*Phil. 3:5-9*), aro ua Galatirangkoba ua apskon man-paatna sikbeengachim.

Nang-ni uigipa saoba uni nama dakmesokanirangko na-a nika dongmanahama? Indake ong-ode, na-a uko namgipa dakmesokgipa ine aganna man-na gita mai namgipa gunrang uo donga, aro na-a maikai ua namgipa gunrangko nang janggi tangao nambate mesokna man-gen?

Mongolbar

August 22

ANGA NANG-GITA ONG-BAAHA

1 Kor. 9:19-23 ko poraibo. Ia podrango Paul uni Galati 4:12 ni ja-mangipa bakko an-chingko nambate u-iatna maiko agana? (*Wat. 17:16-34, 1 Kor. 8:8-13, Gal. 2:11-14 rangkoba nibo.*)

Galati 4:12 o on-tisa jajana man-a. Galatiranga maina Paul gita ong-bana nanga, uan (*Paulan*) uamang gita ong-ahaode?

Mejalni poraianio an-chingni nikmanbaaha gita, Kristoni mandeko jokatna kam ka-aniko uni chu-gimik bebera-ani aro ka-dongchakani gitan, Paul uamangko an-tang gita ong-aniko nangnika. Uni an-tangko uamang gita ong-baaha ine aganania, ua Jihudi ong-genchimoba, ua ‘niam gri” Gipin Jat ong-baaha jedakode ua Gipin Jatrangona Nama Katta baksa sokangna man-gen. Ua Gipin Jat a-gilsakna dal-begipa missionary ong-e, Jihudi aro Gipin Jatna maikai Nama Kattako skiprakna nanga uko ua skie ra-aha. Beben, 1 Kor. 9:19-23 ni gitade, Nama

Katta uan uan apsan ong·e dongaiahaoba, Paulni skiani rokomara dingtang dingtang manderangona uni sokatna joton ka·ani ong·a. “Paulara, jeni gimin an·ching da·alo poraienga, uni a·bachenggipa (*pioneer*) ong·achim. Nama Kattako aganon, manderangna mai ong·enga, sani gimin aro sana aganenga uandakesa ong·na nanga.”—Timothy George, *The New American Commentary: Galatians* (Nashville, Tenn.: Broadman & Holman Publishers, 1994), p. 321.

Paulni 1 Kor. 9:21 o agananirangan, Nama Kattani gimin aganania (*sawa*) badita chel·e re·angna nanga uko uni bebera·aniko mesoka. Ua janapa, jekai toatna gita, Jihudi aro Gipin Jatrangna maiba cholrangchi sokatena man·engon, ia jakgitelko man·anira niam gri an·tangtangni namnika gita janggi tangna man·aia ine ong·ja, maina Kristianranga “Kristoni niamni” ning·o ong·a.

Maiba golmalni gimin segiminko talate on·na pangnan altuagipa ong·jaoba, “jegita an·ching Nama Kattani nangchongmotgipa bakko bikote aganna man·a, jeni gimin nangtonggrikenga uo namgrikaniko (*compromise*) dakgija Kristoni Nama Kattaog segiminko aganna, an·chingba Paul gita dakpagiparang ong·na nanga.”—Timothy George, *Galatians*, pp. 321, 322.

Gipinrang baksa melina (*compromise*) altuabea, ong·jama? Basakobade ru·ute Kristian ong·enggipaan gipinrang baksa melipaena altuaa. Uan maina indake ong·na nanga? Na·a an·tangko kakketbee niatbo. Baditana nang·ni janggi tangao gipinrang baksa melipaaianirang nang·o ga·pripaha? Maikai na·a iarangoniko namatna man·gen?

UNOMITINGO ARO DA·O

Paulni Galatini bebera·giparang baksa nangrimania pangnande da·o gita man·dikbeani ong·jachim. Beben, uni skanggipa changna Galatio skiprakanio, uamang baditan name una dakahachim uni gimin ua mikkang rongchingprete (*kusi ong·been*) aganahachim. Da·o mai ong·aha?

Mai obostarang Paulko Galatio Nama Kattako skiprakanina dilangaha? Gal. 4:13.

A·bachengode, Galatio skiprakaniko dakna Paulni miksongani dongjachim. Maibakaiba, uni songreanio ua adita saanirango man·aha, uni gimin uko Galatio adita ru·utkale dongatna ba uni saako namatna uanona re·angna nangaha. Paulni sabisiko man·anio aiao inmananirang ong·aha. Ua malariako man·na nangaha ine mitamrang aganaha; gipinranga (*Galatiarangni uamangni mikronko ote una on·na skaniko Paulni agananio pangchake*) uan mikronni sabisiko man·aha ine aganskaaha. Uni saaniara 2 Korinti 12:7-9 o uni janapgipa “be·enni bu·su” ni giminba ong·ahakon.

Paulni saa je saaniba ong·china, uni saaniara uamangna namen dongtogijani ong·ahachim: uan Galatirangna dake niani ong·baaha ine ua an·chingna agana. Je a·gilsakni bako saanikora Isolni namnikgijani chin ong·a ine chanachim (*Johan 9:1, 2; Luk 13:1-4*), Paulni saaniara altuabeen uko Galatirang uni skiako aro ukomanchaba jegalatna a·sel nambeahachim. Indiba uamang Paulko namen ka·tong gisik gimikchi rimchaksoaha. Maina? Maina uamangni ka·tongrang Chisolni gimin skianio ding·bomatako man·aha (*Gal. 3:1*) aro Gisik Rongtalgipachi bilake bebera·ataniko man·aha. Uamangni gisikni chanchiani dingtengahani gimin, mai a·selko uamang da·ode on·kugen?

Isolara mai a·selrangni gimin Paulko saknana on·enggenchim? Maikai Paulara an·tangon neng·nikanirangko dakgrikna nangaiengora gipinrangna dangdike on·na man·aha? Rom. 8:28, 2 Kor. 4:7–12, 12:7–10.

Je saanikoba Paul man·ja maina, uan bilongmanchagipa saani ong·aha, aro uan una Isolko uni saanina matnangna aro Nama Kattako skianiko dontongna pa·sikna nambeahachim. Indiba Paul iakoba uakoba dakjaha. Una ong·enga obostarango pa·sike dongani palde, Paul uko chu·gimik Isolni ka·saanio pangchakbatna jakkalskaaha. “Changni chang Isolara janggi tanganio neng·nikanirangko, jekai saa man·aniko, a·rik·sanalaniko, kangal ong·aniko, a·sel kotona ong·anirangko aro agansokna ampilgijagipa dukrangko—uni Nama Kattako sokatangna Uni ka·saaniko mesokna cholrang gitasa jakkalaha.”—Timothy George, *Galatians*, pp. 323, 324.

Nangko dake nianirang aro saknaanirango Gitelo pangchakbatna gita na·ara maikai skie ra·na man·gen? (Mai gipin chol nang·o donga?)

Bristibar

August 24

BEBEKO AGANANI

Galati 4:16 ko poraibo. Mai bilakgipa miksonganiko Paulara iano dakenga? Mairangchi na·a an·tangara maiba uandakgipa apsananggipao *experience* ong·engnok? (Johan 3:19; Mati 26:64, 65; Jer. 36:17–23.)

Bebeko aganako *negative* aganania ong·atrongbata, mongsongbate an·chingni sal aro bilsiko aganania. Paulni Galati 4:12–20 o aganani aro adita uni chiti jol·gimiko agananirang dongjaode (*Gal. 6:9, 10 ko nibo*), saobade Paulni Nama Kattani

bebe ong·ani gimin gisik nanganiara ka·saani gimin agananina batede batangaha ine ong·gija aganman·gnokchim. Indioba, an·chingni nikmanbaaha gita, Paul Galatirangni “nama kattani bebe” ong·aniko u·ianina gisik nangoba (*Gal. 2:5, 14 ko nibo*), ua gisik nanganiara uni uamangna ka·saani giminsa ong·kataha. Sawa sachiba chonnika saiako man·on (*ba bebe chongmot kattako aganoba jekon uamang knana namnikja*) baditan gisik sa·dika iani gimin *experience* ong·e nikmankuja? An·ching uko daka (*chongmotan ua kattako agane on·a*) maina an·ching ua mandeni gimin simsaka, uko gisik saatna skani gimin ong·ja. Basakoba basakoba an·chingni kattarangni a·sel rang·sanan an·chingni kosakona saknaani ba ka·onanganirang sokbaa. An·ching uarangko daka, jeba ong·chong, maina ua mande maiko u·ina aro knana nangenga uko an·ching u·ia, ua uko knana nangnikjaoba.

Galati 4:17–20 o, Paulara uni aganako warachakgiparangni gimin maiko aganenga? Uamangni toromni gimin uiani baksanaba mai gipinkoba ua ra·bienga?

An·tangna Galatirangchi kengnio ong·oba Paul Nama Kattako parak ong·e skia. Uni skiako warachakgipa dolranga antangtangni (Galatirangni) namnikako dakna namnikatna bilakbeen joton ka·engachim, uan Galatirangna ka·saani gimin ong·ja indiba an·tangtangni skao dakangkuna skani giminsa. Uko warachakgiparangna “na·simangko uamang a·palo donna ska” ine Paulni aganani miksongani ortoara maimanchaan ong·achim uko tik ong·ede uija, haida ian uamangko bigil rasotani gimino an·tango bamatkujana dipet Nama Kattaoniko chipchangna joton ka·aniko mangsongakon.

Mitam ong-a obostarangi gimin chanchibo. Jensalo nang-ni kattarang kakketgipa aro nangchongmotgipa ong-oba, sakoba nang-ko ka-o nangataniona ong-ata. Ua *experience*oniko na-a maiko skie ra-a jean nang-ko changgipino nang-ni maiba apsanko dakanina dakchakani ong-gen?

Sukrobar

August 25

CHANCHIDAPANI:“Galatini mondolirango, nikhrakpile ong-gija skianirang Nama Kattani palo ong-engachim. Kristoan bebera-ani bebegipa rikani ong-a, Ukon chu-gimikan ong-nasiple Jihudirangni gitcam manianirangna watgalsrangaha. Watata indake nikaha je Galatini bebera-giparang kengnigipa bilrangoni jokatako man-ahaode, jean uamangna ka-mikkenatani ong-enga, rakbatsranggipa dakna nanganiko dakna nanggen aro matbatsranggipa mikrakatanirango on-na nanggen.

“Kristoni sakanti dangdike on-giparangna nangchongmotgipa skie ra-aniko on-na skaniara, jerangnan ua kam ka-enga, uamangni obostarangi kri, uamangni namgnina ra-gatna nanganirango ra-gatna nanganian ong-a. Rinok rinok dakani, chakchikani, maiko dakna nanggen uko basee ra-ani, aro kimkimani, iarangan nangchongmotgipa ong-a; indiba iarango namedake chanchiesa kam ka-na nanga. Dingtang dingtang obostarango manderangni gisikrangna seng-e kam ka-na gita, gisik seng-aniko aro name bichal ka-na man-aniko Isoloniko man-na nanga. . . .

“Paul, jemangan skango Isolni bilko uamangni janggi tanganirango u-iahachim, uamangko uamangni skango maikai nama kattani bebena ka-saahachim uanona re-bapiltaichina molmolaha. Aganchakna ampilgija jeraa raanirangchi ua uamangni mikkango uamangni Kristoo jakgitel ong-bana man-ani cholko mesoke on-aha. Jemangan chu-gimik on-kanga uamangko Uni toromi ong-ani ba-rachi ganata. Sakantian

jokatako man·na gita Ua biapko ra·aha, aro jemangan jokatako man·gen uamanga Isoloniko chongmotgipa *experienceko* man·gen.

“Ua watatani molmolani kattaranga bite gri ong·jaha. Gisik Rongtalgipa bilakbegipa bilchi konge seaha, aro bang·ani ja·arang jerangan re·brangha, uamangni giticham Nama Kattani bebera·aniona re·bapilaha. Indake uamanga jakgitel ong·anio mangravgipa ong·a jeon Kristochi uamangko jakgitel dakaha.”—Ellen G. White, *The Acts of the Apostles*, pp. 385, 386, 388.

CHANCHIGRIKNA SING·ANIRANG:

1. Saknaani gimin chu·gimik sing·anio dongkambatbo aro maikai Isolara uko jakkalna man·gen? An·chingara, je saknaarangoni mamung namani re·baja, uandaggipa obostarango maikai kam ka·a?

2. Kristoni an·chingo bimang ong·ani gimin chanchiao chanchie dongbo. Ian *practical termo* maidake orto ong·a? Ian an·chingo ong·enga ine maikai an·chingara uigen? An·chingni chanchia gita ta·rake ong·na nangaoni ta·rake ong·jaengora, an·chinga maikai uni gimin ka·beanoniko ra·rike donggen?

PRINGO KATCHAANI MAN·ANI—BAK 1

Mary antang nokni a·palo ramasamo asonge, uni dambe depanteko antang jakpong-rango mojingjengate grapengachim. Ua atchiaonin ong·nasiple saahachim. Mary uko bang·a doctorrangchi ra·angaha indiba ua bilongen gusudekdeke sakuaengachim. Changgni ua hospitalo donako man·aha, indiba bilakbatsranggipa *antibiotic* samba uni gusuko namatna man·jachim. Bon·chotgipa doctor *test* aro X·rayrangko ka·china ge·etaha, indiba Maryo tangkarang dongjahachim.

Jagittamna uni segipa mistri kam ka·gipa mamung kamko man·jaha. Uamang hajal tangkarangko uamangni nok bharako gamna aro cha·anirangko brena ra·chakaha. Janggi tanganirang namen namangjabeaha. Janggi tangangkuna cholrangko nikangjaha. Uni segipa duk ong·aha; ua nokdangna nanganirangko man·e on·na bilgri ong·e nikaha. Ua mamung cholkoba nikjaha – uamangni misilbegipa janggi tanganiko bon·atana agrede. Jensalo ua so·ote sichina aganahaon, jikgipa namen ka·onangbeaha, indiba duknirang gadobaroroon, haida uasan mangmang uamangni rama ong·aignokkon ine uaba chanchiaha.

Salsao uni chongipa depante gusudekdektaimitingo, Mary saksa noksul Madeshni antangchipak re·baengako nikaha. Madesh Maryni grapengako nike neng·takaha. “Mai ong·a?” Madesh ka·sroksrok sing·aha.

“Ia Daniel na·a,” Mary aganchakaha. “Ua saengkua, aro ango tangka dongjajok.” Madesh Maryni neng·nikanirangko uiaha; aro ua Maryko uni depante atchiaonin changni changna re·ange nierongahachim aro uko dakchakna joton ka·rongahachim. Uaba uni nokdangna bi·aha.

“Jajrengnabe,” ua aganaha. “An·chingni Jisu dakchakna

man-a. Ang baksa giljachi re·babo, aro unon chingni pamong nang-na bi-na man-gen.” Uara Sabbath pring ong·achim, aro Madeshara giljachina ua rama gitan re·angengachim.

Mary mamungkoba aganjaha. Ua uni mikchirangko ran·ate Madeshko ja·rikangaha. Jensalo uamang gilja nokona sokangha, pamong uamangko rimchaksoaha. Jensalo Madesh Maryni obostako pamongna aganahaon, ua uni depantena service ja·mano bi·gen ine ka·dongatani kattako aganaha.

Sabbath Skul jolgmiko Mary tomtome asongaha; ua indakgipa giljako pangnaba nikkujachim. Daniel uni jakpongango tomtome tusiaha. Ua pamongni skianirangko, ua una samrangko on·atgenma ine chanchie, knatimaha.

Gilja matchotahaon, Mary asonge senge dongkuaha. Pamong sakantikon salam ka·rikani ja·mano, ua gilja nokona napangpiltaie Maryni sambao asongaha. Uni jakko Danielni skoo dondape ua ua bi·sani saako an·sengatchina aro nokdangna Uni bilko mesokchina Isolo bi·aha. Unikode pamong *envelopo* sam ginchiko gape chipe uko bija bitchi baksa gon-gone bi·sana kanchina aganaha.

Nokchina re·angengmitingo Madesh Maryko ka·dongatroroange re·angaha. Maryni noko Madesh ua samrang (*herbs*)ko chi ding·a baksa gongonaha, maina uamango bija bitchi dongjachim. Unikode uko Danielna chamoschi kanataha. Madesh Mary baksa bi·aha, unikode noktangchi re·angaha.

Aganangkugen
